

深慮僂需 玄釜陰雷 靈肘指度

太赤混方

道言此諸天中大梵隱語无量之音舊文書
中天黃靈臺招十二玄瑞二十四應於元始
五老大福堂之境赤書玉文顯瑞符應之始
字皆廣長一文天真皇人昔書其文以為正
音有知其音能齋而誦之者諸天皆遣飛天
神王下觀其身書其功勤上奏諸天萬神朝
禮地祇侍門大勳真魔保舉神霄道備剋得
遊行三界昇入金門此音無所不辟無所不
讓無所不度無所不成天真自然之音也故
誦之致飛天下觀上帝遙唱萬神朝禮三界
侍軒群杖束青鬼精自亡琳琅振響十方肅
清河海靜默山嶽吞煙萬靈振伏招集群仙
天無氛穢地無杖塵冥慧洞清大量玄玄也

元始无量度人上品妙經卷之七

靈寶无量度人上品妙經卷之八

清微金科品

天八

道言昔於妙極天中靈洞實者奉玄化境受
元始度人清微金科无量上品元始天尊當
說是經周迴十過以召十方始當詣座天真
大神上聖高尊妙行真人清微九聖上元天
官衛法仙王無鞅數乘空而來玉光綠輿
三素飛雲羽葆流輝玄虛散霞丹景浮英見
耀太空七日七夜諸天陽館陰官金闕瓊樓
羅列真文靈風扇霄隱誦生音元綱停運雙
曜高明一國地土山川林木編平一等無復
高下土皆作碧玉無有異色衆真侍座元始
天尊玄坐空浮九色神龍之上說經一編諸
天大聖同時稱善是時一國男女各運精誠
願見玄妙說經二編靈府虛明廓然開悟說
經三編神炁混合坐觀十方說經四編了悟
在心轉能化誘說經五編未來東生廣為接
引說經六編證天仙業修上真道說經七編
超出三界為天國民說經八編得見元尊神
靈位號說經九編注籍清微名上金科說經

十編與聖合真永斷輪轉是時一國是男是
女莫不傾心皆受護度咸得長生

道言是時元始天尊說經一編東方无極无
量品注生大神無鞅之衆浮空而至說經二
編南方无極无量品執憲大神無鞅之衆浮
空而至說經三編西方无極无量品定名大
神無鞅之衆浮空而至說經四編北方无極
无量品司化大神無鞅之衆浮空而至說經
五編東北无極无量品簡奏大神無鞅之衆
浮空而至說經六編東南无極无量品敷教
大神無鞅之衆浮空而至說經七編西南无
極无量品權變大神無鞅之衆浮空而至說
經八編西北无極无量品糾察大神無鞅之
衆浮空而至說經九編上方无極无量品監
觀大神無鞅之衆浮空而至說經十編下方
无極无量品成德大神無鞅之衆浮空而至
十編同竟十方无極天真大神一時同至一
國男女傾心歸仰來者有如細雨密霧無鞅
之衆迨國一半土皆偏陷非可禁止於是元
始結清微玄妙之炁化一寶珠先如大星在

空虛之中去地百丈始登引金科生真玄
變高尊化炁真人十方无極開導大神無執
數衆俱入寶珠之中天人仰着惟見勃勃從
珠口中入既入珠口不知所入國人廓散地
還平正無復敬階元始即於寶珠之內說經
都竟乘真監度以授於我當此之時喜慶難
言法事粗悉諸天復位修歛之間寂無遺響
是時天人遇值經法普得濟度一切群生皆
證善緣傾土歸仰咸契虛明妙見妙聞妙覺
妙知妙有妙無妙合妙離妙變妙化言符至
道心行大慈齊同玄悟清正無為國安民豐
欣樂太平經始出教一國以道預有至心宗
奉禮敬皆即受度
道言元始天尊說經中所言並是諸天化炁
帝皇道君隱名聖號十方无極高真上靈內
諱玄章亦是九壘立極生音百魔考試之文
非世之常辭上聖刻錄金科秘在清微威禁
至重鬼官不可得聞玉虛洞玄太極太清四
境三十九天神仙真人能悉其章誦之十過
聲振圓羅太一監臨保安天地億劫無傾五

辰順道日月常明境土安寧永保太平回屍
起死白骨成人太空飛仙誦之十過則五老
保舉三界稽首大魔伏謁天宮上功升入洞
真永侍元尊九宮地仙誦之十過元老降庭
隨願濟拔大惠舍生玉詔司迎上登天宮輕
誦此章身則被殃供養尊禮門戶興隆世世
昌熾與善因緣萬災不干百靈護身斯經尊
妙獨步玉京度人无量為萬道之宗巍巍大
範德難可勝
道言凡誦是經十過諸天齊到億曾萬祖幽
魂苦爽皆即受度上升朱宮格皆九年受化
更生得為貴人而好學妙經功滿德就皆得
神仙飛升金闕遊宴玉京也上學之士修誦
是經金科注名萬善咸臻皆即受度飛升南
宮世人受誦則靈官降身延壽長年後皆得
證飛仙之道玄功外應神氣內充形神俱妙
遊行太空此經微妙普度無窮一切天人莫
不受慶生死蒙惠上天所寶不傳下世至士
齋金寶效心盟天而傳輕泄漏慢殃及九祖
長役鬼官侍經太丹玉童青腰玉女各四十

二人營衛神文保護受經者身
道言正月長齋誦詠是經開導重泉光照九
幽為上世亡魂斷地速役度上南宮七月長
齋誦詠是經奏簡清微名上金科身得神仙
諸天書功黃籙白簡削死上生十月長齋誦
詠是經三元曜明功歸帝君為國主人王君
臣父子安鎮國祚保天長存世世不絕常為
人君安鎮其方民稱太平八節之日誦詠是
經天仙奉迎得為九宮真人本命之日誦詠
是經魂神澄正萬炁合仙不經苦惱形運昇
遷暉映八冥五帝臨軒萬神朝禮名書上天
功滿德就飛升太玄
道言行道之日甘當香湯沐浴齋戒入室
東向叩齒三十二過上聞三十二天心拜
三十二過閉目靜思身坐青黃白三色雲
氣之中內外翳冥有青龍白虎朱雀玄武
獅子白鶴羅列左右日月照明洞煥室內
項生圓象光映十方如此分明密呪曰
无上玄元太上道君召出臣身中三五功曹
左右官使者侍香玉童傳言玉女五帝直符

直日香官各三十二人開啓所言今日吉慶
長齋清堂修行至經无量度人願所啓上徹
徑仰

无上三十二天元始上帝至尊凡前畢

引系三十二過東向誦經

元始无量度人上品妙經

元始洞玄靈寶本章清微金科上品符應度
人天真隱諱結氣自然混合玄文中藏至精
虛皇開劫生育諸天洞光廓落三氣飛騰包
含大象植立天根青編金簡普錄神靈恢張
正道赫奕冥冥雙元飛景五炁流形洞明變
化群類生成是為神妙萬道之宗太微陽華
紫霄瓊宮上通大羅虛梵高空三真杳漠無
極無窮赤混太無玉境居尊應見十方无量
化身敷教清微注籍金科中有諸天萬帝之
名中有玉皇正行遊梵之帝中有山川海嶽
之形中有群魔考試之文中有三天洞真洞
玄洞神開天立極大恩飛輪我今宣示普召
百靈三元同會諸天臨軒
東方无極注生神王長生大聖无量度人

南方无極執憲神王長生大聖无量度人
西方无極定名神王長生大聖无量度人
北方无極司化神王長生大聖无量度人
東北无極簡奏神王長生大聖无量度人
東南无極敷教神王長生大聖无量度人
西南无極權變神王長生大聖无量度人
西北无極糾察神王長生大聖无量度人
上方无極監觀神王長生大聖无量度人
下方无極成德神王長生大聖无量度人
十方主錄金科神王飛天度世无量大神並

乘騰耀瓊與景霄華輦三素飛雲駮駕天馬
斑獸輝晶蒼龍建鳳真之節流光大稽左備
九天羽衛右羅三界神兵太一帝元統制萬
靈赤皇導前才老監盟億乘萬騎浮空而來
傾光回駕召仙集真清微帝氣大洞玄宮九
華佐理混合大神總執金科列班奉迎簡閱
符命仙聖隱名普告三境無極高尊太霄玉
闕劫仍瓊峯紫微北府三十九君七轉七變
四水儂天玄微結璘下統羅鄴曲晨飛蓋同
會東河光啓扇颯運轉天關斗極中方以正

崑山開演至妙降氣玄丹經緯天地保鎮度
人生成化育與我合仙五神清朗億劫無傾
永度諸天學道之民刺書金簡名奏紫宸紫
宸之天天帝耀光無色之境梵行

東方八天

琅丘會元天	帝澤力居英
冲構集真天	帝化夕棋分
霄林景暉天	帝庭鬱嶽君
洞宗慶先天	帝領斗監明
格梵飛靈天	帝貫合部延
大方制魔天	帝肇肅志廖
瓊文越章天	帝濛總羅
宇練洞陽天	帝領都陰平
南方八天	
定名感真天	帝洞泛景房
玄空耀虛天	帝落寶監章
炎靈奉符天	帝闕鄰古山
玉書赤文天	帝臻化定
丹光啓明天	帝扇揮音
景運紫華天	帝龍灑劫方

極元洞皇天	帝封正延靈
皇範總生天	帝貞監利宣
西方八天	帝洞皇九雲
靈曜召履天	帝宣世瓊
洞寂存明叩冲天	帝今唱六宗
紫清太儀洞變	帝交舒化神
玉陽妙真天	帝道滋元
迴風變合天	帝律定瑤華
流暉曜章天	帝梁瓊伯阿
照元簡氣天	帝運皇極明
融結正綱天	
北方八天	
化氣升元天	帝眇利持淵
八垣儻空天	帝至冲猷生
飛神降真天	帝微融妙玄
太素千精天	帝蔚京玉童
碧華濟玄天	帝冥敷高登
三虛極道天	帝臨懷教皇
太英降秀美天	帝陳常律賓
太清正宗天	帝梵行絨觀

三十二天三十二帝諸天隱諱諸天隱名天
 中空洞自然靈章諸天隱顯天中之者天中
 之尊天中之神天中大魔天中之靈四玄七
 虛包含至真金科大格結氣為文教化玉清
 普度天人今日欣慶迴風受鍊嚴誓百神刻
 名文昌列告玄機飛度太素合景清微真仙
 考校萬化同歸東斗授符西斗司直北斗上
 功南斗定籍中斗合延正天無極青帝舉仙
 白帝驅役赤帝攝氣黑帝典錄黃帝制魔統
 御化育青元道君持握龍騎丹光道君執法
 明曜少陰道君召山開導鬱微道君運轉玄
 妙中黃道君數今布勅五方上靈至道之元
 飛行三界總領群仙變化無窮遊觀萬天生
 成品彙執我威權上真化民混合綿綿紫皇
 奉命收伏杖茲陽光激電照徹鄴山清正綱
 輪明啓元關六天沉魂受鍊洞陽神州大域
 永保嘉祥休停惡對咸證善緣茫茫萬有皆
 獲長年神飛太無濯氣三華景暉被身灌鍊
 天河三元上佐明校百魔敢有干犯定罪懸
 沙普告衆靈同會圓羅升階進秩功列金科

清微金科首題三十六字餘列本科
 洞元豁落升降圓方茫茫大化周歷龍康上
 開一氣下布陰陽包絡諸天風梵堅剛玄變
 流精太素冥冥虛明曠邈無極無形鴻濛元
 象三道化成八坦清微數極自然玉京開衍
 金科上篇黃簡碧書八景玄文刻錄神名與
 道長存混洞騰飛布天彌綸萬景回旋雙曜
 五辰統御元綱冥合靈根皇老大洞三十九
 章帝一分元安鎮萬方飛天妙書過度丹光
 高玄自然之文朱書青素佩身萬邪莫干
 天服治病行之者名書金科
 洞元豁落升降圓方茫茫大化周歷龍康上
 開一氣下布陰陽包絡諸天風梵堅剛玄變
 流精太素冥冥虛明曠邈無極無形鴻濛元
 象三道化成八坦清微數極自然玉京開衍
 金科上篇黃簡碧書八景玄文刻錄神名與
 道長存混洞騰飛布天彌綸萬景回旋雙曜
 五辰統御元綱冥合靈根皇老大洞三十九
 章帝一分元安鎮萬方飛天妙書過度丹光

丹光化生九天上靈駕景紫虛御氣玄音綠
霞散空布彩鸞林三華舞煙回秀流雲扇寶
鬱羅明耀長庚千和萬合自然成真真中有
神元素道君方諸仙童青華帝尊太乙合景
司命迴風執簡持科錄注元功上遊玉清劫
仍瓊宮太微之內天界之中下極重淵黃闕
玄宮回首九壘三十六皇五鎮大域仙島十
洲洞天福地無極名山八海四瀆主宰神靈
三元官長无量飛仙咸錫真符功書帝宸列
班定籍上聞三天三天之上慶會因緣中有
清微金科之章聖境仙音辭參高真

第一諸天化氣清微之音

眇眇大羅上 帝氣降清微 真光耀玉京
攝御正化機 茫茫歷龍康 飛度敗與成
三界化空無 大地淪九淵 元始憫群類
玉章下五山 二景騰輝光 元網羅萬靈
洞真秘玉文 靈寶立天根 洞神主玄變
萬品從此生 諸方命天帝 總校長生人
剛風擊地紐 天憲歸皇君 生靈荷大庇
億劫永無傾

第二金科定籍之章

鳳車舞空輪 停駕鬱山阿 劫初立大空
須延啓三華 元聖閱章籍 空中召靈魔
太清難可度 輪轉如塵沙 憫此去來際
飛仙運謠歌 蕩蕩龍漢基 玄嶽高嵯峨
萬靈會帝所 東井貫天河 濁境逐業緣
沉淪將奈何 誦此清微篇 正氣蕩邪疴
三界諸天民 齊奔濯耀羅 願爾道果成
列名上金科 永契長生理 億齡馬足多

第三聖境真仙歌曰

圓羅包玉虛 高峙大有宮 寰林覆諸天
九聖步靈風 宴景挹華明 逍遙太空中
下遊洞玄境 控御飛天龍 三十九道君
朝禮虛皇尊 大慈振法音 聖澤常濛濛
勅印啓天關 敷落三景文 玉詔下鄩都
拔度長夜魂 鬼官停考對 陽光燭九冥
三塗息苦役 八道運飛輪 群品保長年
世土永安寧

徧道備飛昇太空過度三界位登仙公有聞
真音靈魔敬形勅制地祇侍衛送迎拔出地
戶五苦八難七祖升遷承離鬼官現度來陵
受鍊更生是謂无量普度無窮有秘上天文
諸天共所崇泄慢墮地獄禍及七祖翁
道言此二章並是諸天上帝及至靈真王隱
秘之音皆是大梵之言非世上常辭言無韻
麗曲無華宛故謂玄奧難可尋詳上天所寶
秘於玄都神霄玉清玉府依玄科三萬七千
年應運下傳若有至人齋金寶質心依舊格
告盟玉清然後而付焉
道言夫天地運度亦有否終日月五星亦有
虧盈至聖神人亦有休否末學之夫亦有疾
傷凡有此災同氣皆當齊心修齋六時行香
十徧轉經三氣合神萬災普消天地清寧降
氣玄真金科玉律伏御鬼神无量之文普度
無窮
道言夫末學道淺或仙品未充運應滅度身
經太陰臨過之時同學至人爲其行香誦經
十過以度尸形如法不壞不傷形體堅完魂

神徑上南宮隨其學功計日而得更生轉輪
不滅使得神仙

道言夫天地運終大劫流移星宿錯度日月
失明四時失度陰陽不調國境歲飢水旱時
出疫毒流行師友命過皆當修齋行香誦經

存恩清微金科降陽華之氣太微之神掃除
災氛夫齋戒誦經功德甚重上消天災保鎮
帝王下禳毒害以度死民生死受賴其福難
勝故曰无量普度天人

道言凡有是經能為天地帝王死民行是功
德有災之日發心修齋燒香誦經十過皆諸
天記名萬神侍衛右列至人刻得為聖君金
闕之臣諸天記人功過毫分無失天中真王
亦保舉爾身得道者乃當洞明至言也
諸天中大梵隱語无量音 道君撰

元始靈書清微金科玉篇

東方八天

- 飛天羅會 浮化漫更 居元梨久
- 廓落司南 冥陽御直 局荷瀆金
- 加虛沃至 遷書獨分 玉極持貫

貢還正輪 幾果得都 清羅文雲
宜令稠淡 才敵靈元 波華風停
氣上呼年

南方八天

- 山延洞明 玄論康通 曜略景空
- 斗綿揮珠 山棘契錄 明旋應符
- 丹宅洞猷 奎琳指琚 韜眩寶猗
- 瓊府投虛 何竹生育 靈庭栢書
- 宏朴義華 玄阿宮都 綠拒絳天
- 紫霄正浮

西方八天

- 畔師霧攜 建晉契輔 太紫述羅
- 道遠為素 陽唐記方 回曲才至
- 允悟昊滿 帝宜卷末 耿液交蕩
- 利呪唯戶 稽門寔奔 鄙廣憫度
- 照燭離幽 意篆宜慕 先幾允和
- 登豫珠缺

北方八天

- 元簡長光 鼓美律前 監索敷鄰
- 武明義先 北印極召 龍帝爰煙

神邀迪鳥 諸因思般 妙玄六周
絕馳鄴丹 攝常慈申 誠虛府闕
靈策勤佐 寫祛乘研 詔系始育
靈題書編

道言此諸天中大梵隱語无量之音舊文字
刻書金闕玉樓華房之內以制和三氣安保
萬靈字皆廣長一文天真皇人昔書其文以
為正音有知其音能齋而誦之者諸天皆遣
飛天神王下觀其身書其功勤上奏諸天萬
神朝禮地祇侍門大勳魔王保舉三玄道備
剋得遊行三界昇入金門此音無所不辟無
所不禳無所不度無所不成天真自然之音
也故誦之致神王下觀上帝遙唱萬神朝禮
三界侍軒群袂束首鬼精自止琳琅振響十
方肅清河海靜默山嶽吞煙萬靈振伏招集
群仙天無氛穢地無祲厲冥慧洞清大量玄
女也

元始无量度人上品妙經卷之八